




Weej, Vòrs Parvulus,
Niggende Vòrs ván
't Dreumelrièk; Ridder in
de ordes ván D'n Dreumel,
de Moelbaer en de
Aendekoel; Premier Patron
du Patronaat; Freiherr von
Erdingen bis Paulaner;
Grand Tireur d'Elite;
Ambassadeur van het
Greunste Greune Graas,
enz, enz, hebbe de groëte
iër um heer en nów, mit
of zónder ów goodvinge,
de zaestigste Príns ván 't
Dreumelrièk te proklamere
en te installere;



proclamatie



Ovverwaegende **Ten Iërste:** Dát weej in dit jaor nao de verkiezinge enne príns kriëge di gewoën gevrogd en neet gekaoze is, má waorván weej wál hiël zeker wiëte dát alle Dreumels en Dreumelinnekes mit zien beneuming zulle i-stemme.
Ten Twedde: Dát weej dit jaor al wer ózze zaestigste Dreumelpríns oëtrope, wát in carnivals-ópzicht beteikent dát 't gen jubileumjaor is, wát neet wil zegge dát 't gen jubileumjaor is.
Ten Derde: Dát weej vanaovend enne príns gaon oëtrope waarbeej 't hiël zeker laat giët waere, umdát geej now iënmaol jágt in de bös en neet in de Mèrthal, en al hiëlemaol neet op zónne'n aovend zoëás vanaovend.
Ten Verde: Dát weej enne príns kriëge waarbeej, gek genóg, d'n aolifânt 't verhaaltje wál 's haet oëtgesnove, már dát de kans hiël klein is dát weej dát dit jaor nág 's moge meimake.
Ten Viefde: Dát 't hártstikke duudelijk is dát weej enne príns kriëge di mit gemaak de touwkes á mekaar wet te knoëpe en daorum ok gen aenkele meuijte haet um verbindinge te legge.
Ten Zesde: Dát tiggewaorig vur niks alliën de zón nag óp giët en 't daorum belangriëk is dát weej enne positief i-gestelde príns kriëge vur wie ut glaas aalt minstens hálluf vaol is en 't graas naörges zó greun ás beej eum zelluf.

Ten Zuvvende: Dát 't good is um te wiëte dát deze neeje príns enne'n échte kár-trekker is, din ok nag 's, ás genne'n àndere, de carnaval án de mân wiët te brenge, zoëdat dao de komende jaore vakkundig de vruchte ván kunne waere geplukt.
Ten Achste: Dát weej enne príns kriëge mit, in miërdere ópzichte, blauw blood en din 't dán ok án ziene burgerlijke stånd verplicht is um de prínselijke familietradities vort te zette en in iëre te hálde.
Ten Niggende: Dát ózze neeije príns verschrikkelijk gaer ziene'n eige naod neijt, már dát heej dao dit kiër gen kâns vur giët kriëge, umdat heej, gaer of ni, door en ringske wuürdt gehaald, zoëdat heej neet in knammels hóft rónnd te loëpe.
Ten Tiende: Dát 't aalt moëij is ás weej enne príns kriëge din 't wiet geschaöpt haet, már dát ózze neeje príns dát tiggewaorig neet miër deut, umdát heej 't dór aal dát wieje geschaöp gennen tiënd miër haet um nag wiër te schaöppe, wát neet beteikent dát heej meuijte zøj hebbe um alle balle hoëg te hálde.
Ten Elfde en leste: Dát wie de jeugd haet ok de toekomst haet en ózze neeije príns, wát dát betreft, in pláts ván de scepter ok aevegood de paplaepel ovver ut Dreumelriek zøj kunne zwaaije, waarbeej heej al vanâf zien iërste regeerperiode duchtig wuürdt ondersteund dór zien eige prinses.

Besloëte weej Um heer en nou te gaon oëtrope tot neeje Príns, waobeej weej eum beneume tot: Ridder in de Ordes ván d'n Dreumel, de Moelbaer en de Aendekoel,

Met de iëretitels Grand Premier du Wittenhòrs, Beschermhiër ván 't Hòrster Ketirke, Captain Knammel, Ambassadeur ván Jong Nederland, Grand Porter du Ligier, Iërestamgast ván de Schitspoel, en oëtvinger ván de orde ván "t Greune Graas en de Platte Knup" en rope nou oët tot zaestigste Príns ván 't Dreumelrièk:



príns BART d'n iërste

mit zien **Prinses Joyce** en **Adjudânte Rob en Dave**

Gegaeve, Hòrs 13 jannewari 2024